

Aalisartut ilisimasaat uuliasiornissamullu piareersarneq, Kalaallit Nunaat

# Uuliasiornissamut piareersarnermi aalisartut ilisimasaat ilaatinneqarput

All. Kirsten Rydahl, DMU

Asiaat Upernaviullu kujataatungaata akornani aalisakkat aalisarnerlu pillugit tamaani najugallit aalisartut ilisimasaanik katersineq inaassallugu junip aallaqqaataani DMU taavunngartissaaq. Avatangiisit pillugit ujarlerfissiap, miljøatlasip, 2001-p ukiaani DMU-mit, Danmarkimi avatangiisunik misissuisoqarfimmit, saqqummersinneqartup ineriartortinnerani tunngaviliisunut paasissutissanut aalisartut ilisimasaat ilanngunneqasapput.

Uuliaarluertoqassagaluarpit pisuusutit sunnertiasussat suunerat ataatsimoortumik ujarlerfissiami saqqummiunneqarpoq. Uuliaarluertoqassagaluarpit iliuuserisassat siumoortumik nalilersuifigineqarnissaannut ujarlerfissiaq pisortaarfimmit uuliasiortunillu iluaqtigineqarsinnaavoq.

Ujarlerfissiap miljøatlasip pioreersup annertusarnera 2002-p aasaagaa DMU-p aallartippaa taamaasilluni 2003-p naajartornerani sumiiffik Nunap Isuaniit Upernaviup tungaanut tamarmi ilaallissalluni. Aasap ingerlanerani bachelorip Sara Olsvigip Aasianniit Upernaviup tungaanut nunaqarfiit illoqarfiillu tamaasa taamani tikippai ammassaat, nipisat



Ass: DMU/Sara Olsvig

eqaluillu pillugit aalisartunik apersuilluni. Aalisakkat pineqartut suffisarfiilu sumiinneri pillugit aalisartut ilisimasaat pingaaruteqarluinnarput sumiiffiillu soqutiginaatillit nunap assinganut titartarneqarput. Aalisartunit aamma oqaluttuarineqarput aalisarnerup sunngiffimmut kulturimullu pingaarutaa aammalu aalisartunut ataasiakkaanut taakkulu nunaqqaataannut pisanik atuinerup pingaarutaa.

Maanna ukiup qaangiunnerani Sara Olsvigip aalisartut tikeraaqqissavai paasissutissat pillugit nalunaarusiarnut isummernissaat siunertaralugu aammalu sunngiffimmi pinaluttartut ilisimasaat ilanngukkumallugit.

Aalisakkat ikkattumiittut pineqartut pillugit ilisimatusaatigalugu misissuinsamut taarsiullugu aalisartut ilisimasaasa atornissaannut aalajangernermut pissutaasut arlaliupput. Ukioq kaajallangajallugu aalisartut piniartullu piniarfinniitartut tikittagaallu annertooujussuulluni. Taamaasillutik uumasut pillugit ilisimasaat annertoqaat. Aamma piniagasat sorliit nunaqqatigiinnut pingaarute-

qartut ilisimanissaat pingaaruteqarpoq taamaasilluni eqqortumik suliniuteqarneq pisinnaaqquillugu.

Ujarlerfissiamik miljøatlasimik sananeq Pinngortaleriffik kiisalu Kalaallit Nunaanni Danmarkimilu ujarassiornermik misissuivik, Danmarks og Grønlands Geologiske Undersøgelser (GEUS), peqatigalugit suliarineqarpoq imarivaalu paasissutissat sukumiisut uumasunut, sinerissap qanoq ittuuneranut, silamut imavissuarnullu tunngasut. Paasissutissat pissarsiarineqarput aalisartut piniartullu tamaani najugallit apersornerisigut kiisalu ilisimatusaatigalugu misissuinnikkut. Paasissutissat ilioqqarneqarput assinut digitaliusunut takuneqarsinnaallutik DMU-p nittartagaani <http://www.dmu.dk>. Ujarlerfissiap pioreersup taassumalu annertusarlugu ineriartortinnera Miljøstyrelsen Namminersornerullutillu Oqartussat aningaasaliiffigaat.

**i** Qaffasinnerusumik atorfeqarluni ilisimatusartoq Anders Mosbech, [amo@dmu.dk](mailto:amo@dmu.dk)

## DMUNyt, ukiuisa arfinillit nr. 2

**Naqiterisitsisoq:** Danmarkimi Avatangiisunik Misissuisoqarfik, Avatangiisunut Ministeriaqarfik Frederiksborgvej 399, Postboks 358 DK-4000 Roskilde  
Tlf: +45 4630 1200, Fax: +45 4630 1114  
e-post: [dmu@dmu.dk](mailto:dmu@dmu.dk)  
[www.dmu.dk](http://www.dmu.dk)

**Akisussaalluni aaqqissuisoq:** Henrik Sandbech

**Aaqqissuisoq:** Jens C. Pedersen

**Nutserineq:** Sofia Geisler

**Ilusilersuisut:** DMU/Grafisk Værksted

